

Denzdungh: Mbanjcuengh Angqhoh “Ciet Hoenzvaiz”

田东：壮乡欢度“牛魂节”

7 nyied 21 hauh (liggaeuq loeg nyied coloeg), dwg “ciet hoenzvaiz” vunzlai Denzdungh Yen Gyangh-cwngz Cin bi gvaq mbat ndeu, dangdieg vunzlai Bouxcuengh gawjbanh baenzdauq hozdung gig miz Mbanjcuengh minzcuz daegsaek he: Gouz fuk、haenh vaiz、ciu hoenzvaiz、baiq hoenznaz、vaiz doxdax gwn、beij vaiz gyaundeis、baiq bet sien daengj, yinx daeuj haujlai bouxyawj. “Ciet hoenzvaiz” dwg aen ciet ndawbiengz Bouxcuengh vunzlai dangdieg he, dwg gangjok gyoengqvunz doiq duzvaiz miz cingz.

(Veiz Vancungh/韦万忠)



▲ Baiq vaiz gouz fuk.



▲ Canghheiq “ciengq” vaiz.

Yungzanh: Myauzcuz Beixnuengx Angqhoh “Ciet Gaeb Bya”

融安：苗族同胞欢庆“闹鱼节”

7 nyied 21 hauh, Yungzanh Yen Cangzanh Cin Anhningz Cunh Mbanjdabauz gawjbanh “ciet gaeb bya” minzcuz conzdungj hozdung, maqmuengh ndaej demsou. Dangdieg vunzlai Myauzcuz comz youq giz haenx, youq dieg hozdung doxcienj gaeb bya, ciengj ndaej bya yied lai, couh dangq ndaej fukheiq yied lai, aen ciet neix hix dwg miz gij eiqsei sien hoh demsou he. “Ciet gaeb bya” dwg aen minzsuz hozdung riuzcienz youq Gvangjsih、Gveicouh daengj dieg beixnuengx saujsu minzcuz comzyouq he, daengz seizneix gaenq ndaej 450 lai bi lo.

(Danz Gaijhingh/谭凯兴)



▲ Beixnuengx Myauzcuz dox-ciengj gaeb bya.

◀ Daegmbauq Myauzcuz caemh gaeb ndaej duz bya ndeu.

Sanhgyangh: Dungcuз Vunzlai Hoh “Ciet Godah”

三江：侗族群众庆“河歌节”



▲ Dahsau foux Dongczuz wujdao.

7 nyied 21 hauh, Sanhgyangh Dungcuз Swciyen Yangzhih Yangh Liengzbeiz Cunh Mbanjbeizgiz angq hoh “ciet godah” moix bi gvaq baez ndeu neix. Daengx yienh geij cien boux canghfwen daenj buhmoq vaqmoq minzcuz comz youq giz haenx, eu fwen gyauyoux、eu fwen cienzcingz, sing go haprwenz, minzsuz byaujyenj caemh lai cungj lai yiengh, yinx daeuj haujlai hekyouz.

Dungcuз godah, dwg cungj godiuh “go’iq” Dungcuз mbouj yungh bancou ndawde cungj he, dwg cungj godiuh lwgmbauq lwgsau Dungcuз guhhong sat le ra baengzyoux, bouxlaux gyaug lwg son vunz ciengq he, cungj fwen neix diji caezcingj, neiyungz fungfouq.

(Vuz Lennyinh/吴练勋)

Libuj: Swnjcienz Caeuq Baujhoh “Feihyiz” Vwnzva Yaugoj Ndei

荔浦：传承和保护“非遗”文化效果显著

Gaenh geij bi neix daeuj, Libuj Yen feihvuzciz vwnzva yizcanj baujhoh caeuq swnjcienz gunghcoz guh ndaej ndei, dangqnaj daengx yienh gungh soucomz saenqsik feihvuzciz vwnzva yizcanj 1012 diuz, diucaz hanghmoeg 51 aen, gamleix sugigu souloeg hanghmoeg 5 aen, swliu yaemsiengq 5 faenh, saw swliu 10 fanh lai cih, bienhsaw oksaw minzgoh、vwnzciengz daengj buek saw conhcun de, daengx yienh gunghbu yienhgaep feihvuzciz vwnzva yizcanj baujhoh mingzloeg 5 aen, 3 aen ndaej sigaep baujhoh mingzloeg, 2 aen ndaej gihgaep baujhoh mingzloeg, Libuj vwnzciengz、Libuj capceij gunghyi ndaej gihgaep feihvuzciz vwnzva yizcanj baujhoh hanghmoeg.

(Couh Cinyenj/周俊远 Liz Cinyungi/黎振勇)



▲ Canghheiq Se Yinghih guh capceij.